
OFFERYNNAU STATUDOL CYMRU

2013 Rhif 3139 (Cy. 312)

Y GYMRAEG, CYMRU

Rheoliadau Tribiwnlys y Gymraeg (Penodi) 2013

<i>Gwnaed</i>	- - - -	<i>10 Rhagfyr 2013</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>12 Rhagfyr 2013</i>
<i>Yn dod i rym</i>	- -	<i>7 Ionawr 2014</i>

Mae Gweinidogion Cymru, drwy arfer y pwerau a roddwyd gan adran 120(4) o Fesur y Gymraeg (Cymru) 2011(1) a pharagraff 9 o Atodlen 11 iddo, yn gwneud y Rheoliadau a ganlyn:

Enwi a chychwyn

- 1.—(1) Enw'r Rheoliadau hyn yw Rheoliadau Tribiwnlys y Gymraeg (Penodi) 2013.
- (2) Daw'r Rheoliadau hyn i rym ar 7 Ionawr 2014.

Teilyngdod a chymeriad da

- 2.—(1) Rhaid i Weinidogion Cymru benodi aelodau'r Tribiwnlys(2) ar sail teilyngdod y personau hynny sydd i'w penodi.
- (2) Rhaid i Weinidogion Cymru beidio ag apwyntio person yn aelod o'r Tribiwnlys oni bai eu bod wedi eu bodloni bod y person o gymeriad da.

Egwyddorion i'w dilyn

3. Wrth benodi aelodau'r Tribiwnlys rhaid i Weinidogion Cymru roi sylw i'r angen i gynnal egwyddorion—
 - (a) annibyniaeth y Tribiwnlys; a
 - (b) rheolaeth y gyfraith.

Y Gymraeg, gwybodaeth a hyfedredd

- 4.—(1) Rhaid i Weinidogion Cymru beidio â phenodi person i fod yn Llywydd y Tribiwnlys oni bai eu bod wedi eu bodloni bod gan y person wybodaeth ddigonol o'r Gymraeg a hyfedredd digonol ynddi.

(1) 2011 mccc 1.

(2) Gweler adran 120(2) o'r Mesur.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(2) Wrth benodi aelodau'r Tribiwnlys ac eithrio'r Llywydd, rhaid i Weinidogion Cymru roi sylw i'r wybodaeth o'r Gymraeg a'r hyfedredd ynddi sydd gan aelodau'r Tribiwnlys gyda'i gilydd.

(3) Mae'r rheoliad hwn yn ddarostyngedig i reoliadau 2 a 3.

Annog Amrywiaeth

5. Rhaid i Weinidogion Cymru roi sylw i'r angen i annog amrywiaeth yn yr ystod o bersonau y maent yn eu penodi'n aelodau o'r Tribiwnlys.

10 Rhagfyr 2013

Carwyn Jones
Prif Weinidog Cymru

NODYN ESBONIADOL

(Nid yw'r nodyn hwn yn rhan o'r Rheoliadau)

Mae Mesur y Gymraeg (Cymru) 2011 (“y Mesur”) yn sefydlu Tribiwnlys y Gymraeg (“y Tribiwnlys”). Bydd y Tribiwnlys wedi'i ffurfio o Lywydd, aelodau wedi ymgymhwyso yn y gyfraith ac aelodau lleyg. Mae adran 120 o'r Mesur yn darparu mai Gweinidogion Cymru sy'n penodi aelodau'r Tribiwnlys.

Mae paragraff 9(1) o Atodlen 11 i'r Mesur yn galluogi Gweinidogion Cymru i wneud darpariaeth, drwy reoliadau, ynghylch penodi aelodau'r Tribiwnlys (y cyfeirir atynt yn y Mesur fel “rheoliadau penodi”).

Mae paragraff 9 o Atodlen 11 i'r Mesur hefyd yn darparu y caiff y rheoliadau penodi, ymysg pethau eraill;

- (a) gwneud darpariaeth ynghylch yr egwyddorion i'w dilyn wrth wneud unrhyw benodiad i'r Tribiwnlys (paragraff 9(2)(a));
- (b) gwneud darpariaeth ynghylch gwybodaeth o'r Gymraeg a hyfedredd ynddi y mae'n rhaid i aelodau'r Tribiwnlys feddu arnynt (paragraff 9(2)(b));
- (c) cymhwyso (gydag addasiadau neu hebddynt) unrhyw god ymarfer sy'n ymwneud â phenodiadau i gyrff cyhoeddus (paragraff 9(3)(a));
- (d) gwneud darpariaeth arall sy'n ymwneud ag unrhyw god o'r fath (paragraff 9(3)(b));
- (e) rhoi swyddogaethau i Weinidogion Cymru (yn ogystal ag i unrhyw berson arall) gan gynnwys swyddogaethau sy'n ymwneud ag arfer disgresiwn (paragraff 9(4)).

Mae'r Rheoliadau hyn yn gosod dyletswyddau ar Weinidogion Cymru wrth iddynt benodi aelodau i'r Tribiwnlys.

Mae rheoliad 2 yn ei gwneud yn ofynnol i benodiadau a wneir gan Weinidogion Cymru gael eu gwneud ar sail teilyngdod, a rhaid i'r person a benodir fod o gymeriad da. Mae rheoliad 3 yn ei gwneud hi'n ofynnol iddynt roi sylw i'r angen i gynnal annibyniaeth y Tribiwnlys a chynnal rheolaeth y gyfraith wrth iddynt benodi. O dan reoliad 4, rhaid i Weinidogion Cymru beidio â phenodi person i fod yn Llywydd oni bai eu bod wedi eu bodloni bod gan y person wybodaeth ddigonol o'r Gymraeg a hyfedredd digonol ynddi. Wrth benodi aelodau eraill y Tribiwnlys, mae Gweinidogion Cymru o dan ddyletswydd i roi sylw i'r wybodaeth o'r Gymraeg a'r hyfedredd ynddi sydd gan aelodau'r Tribiwnlys gyda'i gilydd.

Mae rheoliad 5 yn ei gwneud yn ofynnol i Weinidogion Cymru roi sylw i'r angen i annog amrywiaeth ymysg yr ystod o bobl y maent yn eu penodi yn aelodau'r Tribiwnlys.

Ystyriwyd Cod Ymarfer Gweinidogion Cymru ar wneud Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol gwneud asesiad effaith rheoleiddiol o'r costau a'r buddiannau sy'n debygol o ddeillio o gydymffurfio â'r Rheoliadau hyn.